

Námskeið í reiðmennsku

Líkt og undanfarin sumur verður Ástirningum boðið upp á námskeið í reiðmennsku. Hestaleigan **Active North** í Kelduhverfi (activenorth.is) sér um námskeiðin og eru þau í Ásbyrgi. Námskeiðin í boði eru þrjú:

Hestafjör – óvanir. 2 klst. 7500 kr. Fyrir þá sem hafa aldrei farið á bak áður eða í örfá skipti. Farið yfir helstu undirstöðu- og öryggisatriði. Börnin kemma og teyma hrossin í gerðinu og fara svo á bak og gera léttar æfingar.

Hestafjör – vanir. 2 klst. 7500 kr. Aðeins fyrir þá sem hafa farið á námskeið áður eða farið á hestbak a.m.k. 5-10 sinnum áður. Börnin æfa sig að ná hrossunum, leggja á og fara svo á bak inni í gerðinu. Tölt og brokk æft. Jafnvel er farið út fyrir, en það þarf að meta hverju sinni hvort hópurinn sé tilbúinn til þess eða ekki.

Hestakynning. 1 klst. 4000 kr. Fyrir þá sem treysta sér ekki til þess að fara á hestbak, en vilja samt koma og vera í kringum hrossin og m.a. kemma þau og teyma, o.s.frv.

Setjið pening í meðfylgjandi umslag, sem afhendist við brottför til Ástjarnar.

Námskeiðin og útreiðin er ekki beinn liður í dagskrá Ástjarnar, en starfsfólk Ástjarnar sér um að koma börnunum á milli staða. Það tekur innan við 5 mín. að aka frá Ástjörn að hestaleigunni í Ásbyrgi.

Misjafnlega getur viðrað þegar farið er á hestbak, þess vegna er nauðsynlegt að vera vel útbúinn: Regnfatnaður, síðar nærbuxur, hlý peysa, vettlingar, eyrnaband (undir hjálminum), stígvél og ullarsokkar er alveg nauðsynlegur útbúnaður. Hestaleigan útvegar hjálma.



Við mælum með því að þið gerið LIKE á FB-síðuna okkar facebook.com/astjorn til þess að geta fylgst betur með þegar nýjar myndir birtast þar.

Sjá einnig myndbönd á youtube.com/astjorn og föndurhugmyndir á pinterest.com/astjorn



Sumarbúðirnar Ástjörn: Kelduhverfi · 671 Kópasker · Sími 775 1585 / 462 3980
Heimasíða: astjorn.is · Netfang: astjorn@gmail.com (astjorn@astjorn.is)
Kt. 580269-0609 · Reikn.nr. í Landsbanka Íslands 0162-26-18363

Aðsetur á Akureyri: Pósthólf 418 · 602 Akureyri · Sími 462 3980
Sumarbúðastjóri: Árni Hilmarrsson · Sími 860 2262

Bréf til foreldra
Geymið þetta bréf!
2. flokkur: 6-12 ára
3.-11. júlí

Kæri verðandi Ástirningur, kærur foreldrar!

Í þessu bréfi, sem er sent vegna tilvonandi dvalar barnsins við Ástjörn sumarið 2019, eru flestar nauðsynlegar upplýsingar. Lesið bréfið vandlega (einnig aðgengilegt á astjorn.is/gogn).

Hvað þarf að gera núna?

Athugaðu fyrst, hvort þú hafir fengið alla nauðsynlega pappíra. Fyrir utan þetta bréf áttu að hafa fengið:

- **Greiðsluseðil** (birtist í heimabanka) til að greiða dvalargjaldið (nema þeir sem greiða með greiðslukorti). Þar af eru 5000 kr. óafturkræfar en eru annars hluti af dvalargjaldinu.
- **Upplýsingaseðil**. Best væri að fylla út sem rafrænt PDF skjal (astjorn.is/gogn) a.m.k. viku áður en barnið kemur. Einnig má handskrifa hann og senda í pósti.
- **Útbúnaðarlista** ásamt umslagi. Afhendist starfsmanni Ástjarnar við rútu á Akureyrarflugvelli eða við Ástjörn.

Ef eitthvað er óljóst, þá eru upplýsingar veittar hjá Árna og Magnúsi í síma 462 3980 og 862 3980 og við Ástjörn í síma 775 1585.

Í tíma fyrir brottför

Margt þarf að athuga áður en farið er til Ástjarnar. Þeim börnum, sem eiga við einhvers konar veikindi að stríða, skal eftir atvikum fylgja læknavottorð, þar sem fram komi hvers eðlis veikindi barnsins eru og fyrirmæli gefin um meðferð, lyfjagjöf o.s.frv.

Við Ástjörn eiga allir sitt númer, svokallað fatanúmer. Númer barnsins hefur verið skrifað á *Upplýsingaseðilinn*. Það er mjög **mikilvægt** að merkja allan farangur með númeri barnsins; fatnað, leikföng, bækur o.s.frv. Notið sérstakan fatatússpenna sem þolir þvott. *Artline 750 Marker For Laundry* er t.d. mjög góður penni. Merkið líka fötin sem barnið kemur í. Athugið að **merkja vel töskur með nafni og númeri barnsins**, en ekki t.d. foreldra.

Ef hætt er við dvöl af einhverjum ástæðum, vinsamlegast látið þá strax vita, svo hægt sé að nýta plássíð. Ef minna en ein vika er eftir þar til dvöl á að hefjast, og þá hætt við dvöl fyrirvaralaust, ber að greiða 50%.

Brottfarardagurinn

Mæting í rútu Ástjarnar er á Akureyrarflugvelli kl. 12:15 og brottför með rútnni um kl. 12:45, miðvikudaginn 3. júlí.

Flug: Reykjavík–Akureyri:

Ástjörn á frátekin sæti í flugvélinni. Bókið flugið tímanlega á vefsíðu Ástjarnar: astjorn.is/flug

Sumarbúðafargjald Rvík–Ak.–Rvík fyrir barn á leið til Ástjarnar kostar 16.742 kr. fyrir 6-11 ára (8.371 kr. aðra leið.) og 23.300 kr. fyrir 12 ára (11.650 kr. aðra leið.) Nánari upplýsingar um greiðslu flugfargjaldsins til Flugfélags Íslands er í tölvupósti sem berst eftir að pöntun hefur verið gerð. Fólk á vegum Ástjarnar eða flugfélagsins fylgir börnunum í flugvélinni. Flugvélin fer frá Reykjavík kl. 11:30 (mæting kl. 10:45). Það er mikilvægt að börnin hegði sér vel í flugvélinni.

Barninu ekið til Ástjarnar:

Ef foreldrar vilja koma sjálfir með barnið þá mætið milli kl. 14 og 15 til Ástjarnar. Það tekur um 2 klst. að aka frá Akureyri til Ástjarnar.

Börnin geta ekki verslað við Ástjörn og því óþarfi að koma með vasapening.

Ef barnið fer á hestaleiguna þá skal skila peningi í meðfylgjandi umslagi, lokuðu, merktu nafni og númeri barnsins. Hestaleigan er ekki á vegum Ástjarnar og er greitt aukalega fyrir hana. Sjá nánari upplýsingar á bakhlið þessa bréfs. Umslagið er einnig ætlað fyrir læknisvottorð, bílveikitöflur, lyf eða annað. Oft vilja foreldrar taka eitthvað fram við forráðamenn Ástjarnar. Erfitt er að taka við slíkum upplýsingum munnlega. Eru foreldrar hvattir til að skrifa slíkt á bakhlið *Upplýsingaseðilsins* eða senda tölvupóst á astjorn@gmail.com. Slík bréf eru meðhöndluð sem trúnaðarmál af forráðamönnum Ástjarnar. Foreldrar, við viljum vinsamlegast biðja ykkur að kemma hár barnanna áður en þau koma, því að ef lús eða nit finnst á barni þá kostar það okkur mjög mikla fyrirhöfn og óþægindi.

Dvölin við Ástjörn

Börnum við Ástjörn er **skyld að hlýða öllum reglum heimilisins**. Heimilið ber ekki ábyrgð á óviðráðanlegum slysum. Ef barn skemmir eitthvað viljandi þá verður það að bæta skaðann.

Að sjálfsgöðu er leyfilegt að hringja í og heimsækja börnin. Við mælumst þó til þess, að það sé ekki gert fyrstu fjóra dagana því allir þurfa tíma til að aðlagast nýju umhverfi. Forráðamenn Ástjarnar eru alltaf tilbúnir að ræða við ykkur um hvernig gengur o.s.frv. Einnig er hægt að senda börnunum tölvupóst á astjorn@gmail.com. Börnin hafa ekki aðgang að síma og þeim er **ekki leyft að hafa farsíma** og geta því ekki haft samband að fyrra bragði, en þau eru hvött til að skrifa heim og geta fengið bæði bréfsefni og frímerki ókeypis. Foreldrar og aðrir geta hringt í síma 775 1585 á **símatíma dagana 7.-10. júlí kl. 10:30-12**. Við hvetjum foreldra til að hringja sem fyrst þá, því mörg börn vænta símtals. Ef þú ert á leið í heimsókn, vinsamlegast hringdu fyrst.

Ef þið sendið barninu pakka með t.d. blöðum eða leikföngum þá **setjið ekkert sælgæti í pakkann**, slíkt vekur oft ófund hinna barnanna, börnin fá sælgæti á ákveðnum dögum. Hægt er að senda pakka með pósti eða flutningabílum, sem fara til Ásbyrgis. Heimilisfang Ástjarnar í Kelduhverfi er fremst í þessum bæklingi.

Við vekjum athygli á því að **tölvuleikir/tölvuspil eru ekki leyfð**.

Heimferð

Sé ekki skýrt tekið fram á upplýsingaseðli hvernig heimferð skuli háttað, munum við hafa samband við ykkur, einnig ef framburði (eldri) barna og upplýsingaseðli ber ekki saman. Hægt er að koma og ná í barnið til Ástjarnar, sækja það í rútna á Akureyri eða við sjáum um að koma barninu í flugvél.

Ástjarnarrútan kemur á Akureyrarflugvöll kl. 11:45 fimmtudaginn 11. júlí.

Flug: Akureyri–Reykjavík:

Ástjörn á frátekin sæti í flugvélinni. Bókið flugið tímanlega á vefsíðu Ástjarnar: astjorn.is/flug

Sjá verð o.fl. á vinstri síðu.

Brottför á flugi frá Akureyri er kl. 12:45 og **lending í Reykjavík kl. 13:30**. Fólk á vegum Ástjarnar eða flugfélagsins fylgir börnunum í flugvélinni suður.

Barnið sótt til Ástjarnar:

Ef foreldrar sækja barnið sjálfir þá er best að koma ekki seinna en kl. 11 til Ástjarnar. Það tekur um 2 klst. að aka frá Akureyri til Ástjarnar.

Eftir að heim er komið

Þegar barnið er komið heim er gott að fara yfir útbúnaðarlistann og athuga strax hvort einhvern farangur vanti. Sum fót tynast og úr öðrum dettur fatanúmersmerkingin. Flest finnst aftur og er sent í pósti í síðasta lagi í september/október. Sumt finnst aldrei og er það okkur eins mikil ráðgáta og ykkur. Í lok hvers flokks liggur eftir nokkuð af ómerktum fötum. Þeirra er hægt að vitja í síma 462 3980 eða senda fyrirspurn á astjorn@gmail.com. Mikilvægt er að hvetja barnið til að rækja það sem það lærði við Ástjörn. Foreldrar, það væri gott ef þið gæfuð ykkur tíma til að biðja kvöldbænirnar með barninu. Það er sannfæring okkar, sem vinnum við Ástjörn, að þannig getið þið líka styrkt samband ykkar og barnanna.

Ef eitthvað er enn óljóst hafið þá samband við okkur. Okkur er ánægja að því að hjálpa þér. Að lokum vonum við að barnið þitt eigi góða og eftirminnilega daga við Ástjörn í sumar.

Með bestu kveðju frá starfsfólki Ástjarnar!

Árni Hilmarsson
sumarbúðastjóri